



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

491.99-5

U-81

808 637 03

91.542-5
4-01

Ա. ՇՐՐԱԶՆԵՆ

ՏԱՐԱԿԱՆ

ՔԵՐԱԿԱՆՈՒԹԻՒՆ

ՀԱՅՈՑ ԱԶԽԱՐՎԱՐ ԼԵԶՈՒԻ

(Յերականական ամենաբարեւոր գիտելիքներ տարածանք և միջնակարգ դպրոցների ստորին դասարանների հայ մանուկների համար)

Մ Ա Ս Ն Ա Ռ Ա Զ Ի Ն

425
33-ԱՐ

ԱԼԵՔՍԱՆԳՐԱԳՈՒ

Տպարան Գեորգ Ա. Սամոյելանցի

1908

Հայեր 1.

20 FEB 2013

4-82 սյ
17/10

Ա. ԱՐԱՐԵՋԵԱՆ

425
33-ԱՐ



ՏԱՐՐԱԿԱՆ

ՔԵՐԱԿԱՆՈՒԹԻՒՆ

ՀԱՅՈՑ ԱԶԽԱՐՀԱԲԱՐ ԼԵԶՈՒԻ

16336

(Քերականական ամենալարեւոր գիտելիքներ ստեղծանք և միջնակարգ յարցերի ստեղծանքները կառուցանենք հայ մտնակների համար.)

ВОЗВРАТИТЕ КНИГУ НЕ ПОЗЖЕ
обозначенного здесь срока

ՄԱՍՆ ԱՌԱՋԻՆ



ԱԼԵՔՍԱՆԳՐԱԳՕԼ
Տպարան Գեորգ Ս. Սամոյելանցի
1908

298
33-35

ՅԱՌԱՋԱԲԱՆԻ ՏԵՂ

Արդէն անհերքելի ճշմարտութիւն է, որ ամեն մի ազգ ունի իւր սեպհական լեզուն և այդ լեզուին յատուկ հնչիւններ ու դարձուածքներ՝ որոշ կանոններով հանդերձ, այսինքն՝ քերականութիւն:

Մենք էլ նոյնպէս՝ բացառութիւն չկազմելով օտար ազգերէց, ունինք մեր մայրենի լեզուի քերականութիւնը, որով և գիտակցաբար հաղորդում ենք մեր մտքերը միմեանց:

Գիտակցաբար առաջինը, որովհետև առհասարակ այն մարդիկ, որոնք անտեղակ են իրանց լեզուի արհեստին, այլ կիանքի մէջ միայն վարժութեամբ են սովորել լեզուն, խօսակցութեան ժամանակ իրանք էլ չեն հասկանում, թէ ուղիղ թէ անուղիղ են խօսում, ինչպէս և գրելու ժամանակ չգիտեն իսկապէս՝ կանոնաւոր են դասաւորել իրանց մտքերը, թէ անկանոն և այլն:

Սոյն համառօտ դասագիրքը, որը մենք ցանկանում ենք նուիրել հայ մանուկներին, մանաւանդ նրանց, որոնք դեռ իրանց մայրենի լեզուին անտեղեակ, մտնում են պետական դպրոցները օտար լեզուներ սովորելու համար, անուանեցինք «Ճարըական» — սկզբնական կամ վարժողական, — որովհետև սրանով հայ մանուկը ոչ թէ պիտի ընտելանայ իւր մայրենի լեզուի ընդհանուր օրէնքներին մանրամասնօրէն, այլ միայն նրա քերականական գլխաւոր գիտելիքներին, այսինքն այնպիսիներին, որոնք անհրաժեշտ են նրան իւր մտքերը մայրենի լեզուի միջոցաւ կանոնաւոր կերպով, թէ գրաւոր և թէ բերանացի, ուրիշին հաղորդելու, և բացի այդ՝ նաև պետական լեզուի քերականական գիտելիքները գիւրին և հաստատուն կերպով ըմբռնելու և հասկանալու համար, ինչպէս որ մենք փորձել ենք մեր՝ մօտ քառասնամեայ ուսուցչական գործունէութեան մէջ: Այդ իսկ պատճառով աշխատել ենք, որքան կարելի էր, ձևակերպել սա ռուսերէն լեզուի ամենատարածուած

Дозволено цензурою: Тифлисъ, 14-го Юля 1903 г.

տարբերական քերականութիւններին համաձայն:

Որովհետեւ քերականական արուեստը սովորելու համար ամեն մի ազգի լեզուի մէջ շորս գլխաւոր տարերը կան, այն է՝ հնչիւն կամ տառ, վանկ, բառ և բան կամ նախադասութիւն, ուստի և մեր այս գրքոյկը բաղկացած է շորս բաժնից:

Առաջին բաժնում խօսուած է տառերի, նրանց բաժանման և գործածութիւնների մասին:

Երկրորդում—վանկերի, նրանց կազմութեան և տողադարձութեան կանոնների մասին:

Երրորդում—բառերի, նրանց նշանակութիւնների, դասակարգութեան կամ բանի մասունքների և նրանց գործածութիւնների մասին և այլն:

Չորրորդում—նախադասութիւնների, նրանց գլխաւոր տեսակների և կէտադրութեան մասին:

Մանուկներին աւանդելի դասերի նիւթերը և նրանց բաժանմունքերը դրուած են գրքոյկիս մէջ հետևական դասաւորութեամբ, առանց շեղուելու լեզուի բնական օրէնքից, այսինքն առանց որևէ թռիչք կամ յիտադարձութիւն անելու:

Գասագրքիս մէջ ամեն մի աւանդելի դասի վերջում վարժութեան օրինակներ թէպէտ դրուած են, բայց սակաւաթիւ, որովհետեւ հմուտ և իւր գործը գիտցող ուսուցչի համար արդէն պատրաստի վարժեցնող ձեռնարկ կարող է ծառայել և մանուկի ընթերցանութեան գիրքը, այդ իսկ պատճառով ցանկալի էր, որ այս քերականական ամենակարեւոր գիտելիքները դասախօսուէին աշակերտներին իրանց ընթերցանութեան և թելադրութեան դասերի հետ անբաժան:

Գրքոյկիս շորրորդ բաժնի վերջում, իբրև յաւելուած, դրուած են միքանի դիւրմբռնելի հատուածներ և յօգուածներ թելադրութեան, վերլուծման և բարոնտրութեան համար:

Իրաւի, մենք մեզ բարոյական տեսակէտից բոլորովին վարձատրուած կըհամարենք, եթէ այս մեր փոքրիկ աշխատասիրութիւնը իւր նպատակին ծառայէ և մեր հայ մանուկներին տայ այն օգուտը, որը ցանկանում և սպասում է

աշխատասիրողը:

Յուլիս, 1903 թ.

ԱՌԱՋԻՆ ԲԱԺԻՆ

Տ Ա Ռ Ե Ր

§ 1. Ի՞նչ է տառը:

Տառերը մարդկային լեզուի ամենաարագ հնչիւններն են, որոնք՝ եթէ թղթի վրայ ձևակերպուեն, կոչւում են գրեր:

Հայերէն լեզուն երեսունութ գիր ունի—ա, բ, գ, դ, ե, զ, է, ը, թ, ժ, ի, լ, լւ, ժ, կ, հ, ձ, զ, ճ, մ, յ, ն, շ, ո, չ, պ, ջ, ս, ս, վ, տ, ր, ց, ռ, փ, ք, և, օ, ֆ: Սրանք բաժանուում են երկու տեսակի՝ 1) ձայնատր և 2) քաղածայն:

§ 2. Ձայնատր տառերի մասին:

Ձայնատր կոչւում են այն տառերը, որոնք հընչւում են իրանց յատուկ ձայներով, առանց ուրիշ տառերի օգնութեան:

Հայերէն լեզուի մէջ երկու տեսակ ձայնատրներ են լինում՝ 1) պարզ և 2) երկբարբառ:

Պարզ ձայնատրները եօթն են—ա, ե, է, ը, ի, ո, օ: Երկբարբառները ութն են—այ, աւ, եա, եօ, եւ (և), իւ, ոյ, ու:

§ 3. Բաղաձայն տառերի մասին:

Բաղաձայն կոչուում են այն տառերը, որոնք առանց ձայնաւոր տառերի օգնութեան չեն կարող հնչուել. սրանք երեսունմէկ հատ են—բ, գ, դ, թ, ժ, լ, խ, ծ, կ, հ, ձ, ղ, մ, յ, ն, շ, չ, պ, ջ, ո, ս, վ, տ, բ, ց, լ, փ, ք, ֆ:

Սրանցից երկուսը—յ, լ,—ձայնաւորների հետ միանալով, կազմում են երկբարբառ ձայնաւորները:

§ 4. Բաղաձայների տեսակները:

Հայերէն լեզուի բաղաձայն տառերը սովորաբար երեք տեսակ են հնչուում—թաւ, միջակ, և նուրբ, այդ պատճառով էլ լինում են թաւ, միջակ, և նուրբ բաղաձայներ, որոնք և կոչուում են լծորդատառեր:

Ահա նրանց աղիւսակը:

Թաւ	թ	շ	չ	ց	փ	ք	ղ	խ	հ	ո	վ
Միջակ	դ	ժ	ջ	ձ	բ	գ	—	—	—	—	—
Նուրբ	տ	ս	ճ	ծ	պ	կ	ս	ղ	յ	բ	ւ

Այս լծորդատառերը հարկաւոր է անշուշտ իրանց ճիշտ հնչիւններով արտասանել, որպէսզի մէկը միւսի տեղ չգործածուի ուղղապարտութեան մէջ, որովհետև նրանք շատ անգամ բառի նշանակութիւնը փոխում են, օր. բանիք—պանիք, գարի—կարի—քարի, դար—տար, գուր—սուր կային:

§ 5. Պարզ ձայնաւորների գործածութիւնը:

1. Պարզ ձայնաւորներից ե և է, ո և օ տառերը թէպէտ բառերի մէջ նոյնանման հնչիւններ ունին, բայց շատ անգամ մէկը միւսի տեղ դրուելով՝ բառի նշանակութիւնը փոխում են՝ սէր—սեր, մեզ—մէզ, հօր—հոր, հոտ—հօտ կային:

2. Ե և օ ձայնաւորները բառերի վերջը չեն դրուում, այլ ե տառի տեղ գործ է ածուում է, իսկ օ տառից յետոյ միայն բաղաձայն կարող է լինել—Մարգագարէ, Գայանէ, կուտէ, կրճրէ. սօն, գրօշ կային:

Միմիայն օտար լեզուներից վեր առած բառերի և ռամկական լեզուի մէջ կրճատուած անունների վերջը օ տառը գործ է ածուում—Ռուսօ, Կարնօ, Սարօ, Կարօ, Յօփօ կային:

3. Ե և օ ձայնաւորները բառերի սկիզբն հնչուում են իրանց իսկական ձայներով, իսկ բառերի մէջ և տառը հնչուում է՝ ինչպէս կարճ է, իսկ ո—ինչպէս օ—երկինք, երկիր, ոսկի, ոստիս. գեղեցիկ, կերակուր, երկրորդ, գորդ և այլն:

Միայն վ տառից առաջ բառերի սկիզբը օ հնչուում է՝ ինչպէս օ—սվ, սվկիանոս կային:

§ 6. Երկբարբառների գործածութիւնը:

1. Այ և ոյ երկբարբառները բառերի սկիզբը և մէջը պահում են իրանց ձայնը, իսկ բառերի վերջը նրանք յամբ են մնում—լուում է միայն ա և ո տառերի ձայնը—այգի, այսօր, տղայական, ծառայութիւն, արյս, կոյս, լոյս: Արբայ, ընկայ, ընծայ, յետոյ, ոշխոյ և այլն:

ա) Խոտորում են միբանի բառեր, օրենց վերջը այ և ոյ երկբարբառները իրանց ձայնը պահում են—հայ, վայ, խոյ, նոյ կային:

բ) Հրամայական ձևի բառերի, յատուկ անունների (ա ս ան, գ ն ան, խ ա դ ան, Յ ու լ դ ան, Ռ ու լ ս ի ա, Մ ո ս կ ու լ ա) և հետևեալ բառերի վերջը—ս ա, դ ա, ն ա, ս ը ա, դ ը ա, ն ը ա, ա հ ա, ա պ ա, ք ո—յ տառը վերանում է:

2. Իւ երկբարբառը բառերի սկիզբը և մէջը, եթէ իրանից յետոյ բաղաձայն ունի, հնչւում է ինչպէս իոու, իսկ բառերի վերջը և ձայնաւորներից առաջ՝ ինչպէս իւվ—իւլ, հիւր, քիւրեղ. թիւ, հաշիւ, հիւանդ և այլն:

3. Ու երկբարբառը բառերի սկիզբը և վերջը պահում է իւր սովորական հնչիւնը, իսկ բառերի մէջ ձայնաւորներից առաջ հնչւում է ինչպէս մեղմ վ—ուսում, լեզու. Աստուած, վարուել, աղուէս, գրուել, փրկուել և այլն:

4. Եւ երկբարբառը բառերի սկիզբը չի գործածւում, մէջը՝ իւր ձայնով է հնչւում, իսկ վերջն անձայն յ է ընդունում—մանեակ, լուսնեակ, ոսկեայ, արծաթեայ և այլն:

5. Մի երկու տեղ ե տառից յետոյ պատահում է օ և կազմում է եօ երկբարբառը—եօթը, արդեօք, կարծեօք:

§ 7. Բաղաձայների գործածութիւնը:

1. Վ բաղաձայնը միայն բառերի սկիզբն է գործածւում, իսկ բառերի մէջ ո ձայնաւորից յետոյ—վարդան, վազր, վրէժ, ժողովել, գորովագում, կով, ծով, և այլն:

Միւս բոլոր տեղերում վ տառի տեղ չ կամ ու է գրւում—կտուել, կտում է, թում է, հաշուել և այլն:

Խոտորում են բարգ և ամանցեալ բառերը, որոնց մէջ վ տառը գրւում է նաև միւս ձայնաւորներից, ինչպէս և բաղաձայներից յետոյ—ն ա լ ա վ ա ը, կ ա ո ա վ ա ը ե լ, հ ո դ ե վ ա ը ք, ան վ ա լ ե ը, և այլն:

2. Բաղաձայն ք, պ, փ տառերից առաջ յաճախ ն փոխւում է մ տառի—ամբարեշտ, աճիւղի՛ւլ ամպարտաւան և այլն:

§ 8. Գլխատառերի գործածութիւնը:

Հայերէն լեզուի մէջ գլխատառեր գործ են անում հետևեալ տեղերում.

1. Իւրաքանչիւր նոր խօսքի սկզբում.—Կայէնն սպանեց Արէլին:

2. Վերջակէտից յետոյ.—Լուսացաւ: Ամեն մարդ շտապեց իւր գործին:

3. Յատուկ անունների սկզբում.—Արամ, Երասխ, Արազան, Էջմիածին:

4. Սրբազան անունների, պատուանունների և տիրուղոսների սկզբում.—Աստուած, Փրկիչ, Կաթողիկոս, Վեհափառ Տէր, Նորին Արքայական Մեծութիւն և այլն:

5. Ոտանաւորների իւրաքանչիւր սողի առաջին բառի սկզբում:

Ուրախութիւն բեղ անպակաս,

Ո՛վ դու մանուկ սիրելի,

Ծիլս, ծաղկիս ու զօրանաս,

Ճաշով պառլդ արժանի:

(Ս. Շահ.-Ազիզ.)

ԵՐԿՐՈՐԴ ԲԱՓԻՆ

Վ Ա Ն Կ Ե Ր

§ 1. Ի՞նչ է վանկը:

Բառի այն մասը, որը մի անգամով է արտասանուում, կոչուում է վանկ:—Մարմին բառը կազմուած է երկու վանկից—մար-մին:

Վանկը կազմուում է կամ մի ձայնաւորից (թէ պարզ և թէ երկբարբառ) կամ ձայնաւորի և բաղաձայների միաւորութիւնից:—Ե-կե-ղե-ցի: Ու-տում: Այ-գի:

Իւրաքանչիւր բառի մէջ որքան որ ձայնաւոր լինի, այնքան էլ վանկ կունենայ այդ բառը:

Վանկերի թուին նայելով՝ բառերը լինում են միավանկ, երկավանկ եւ բազմավանկ:—Քար միավանկ է: Երկեր երկավանկ է: Էջմիածին բազմավանկ է:

§ 2. Ինչպէս պէտք է վանկել ըստերը:

1. Եթէ բառի մէջ երկու ձայնաւոր կան, նրանցից երկրորդը միանում է հետեւեալ վանկին, —է-ակ, դի-ակ, թի-ակ կայն:

2. Եթէ բառի մէջ մի բաղաձայն կայ, պէտք է միացնել իրանից յետոյ երոզ ձայնաւորին, —բա-բակ, կն-բապ, սե-ղան կայն:

3. Եթէ բառերի մէջ երկու կամ աւելի բաղաձայն կան, նրանցից միայն վերջինը միանում է իրանից յետոյ երոզ ձայնաւորին, իսկ միւսները մնում են նախորդ վանկի մէջ, —եր-ջանիկ, թարգ-ման, երկ-նաւոր կայն:

4. Եթէ բառերի սկիզբը երկու կամ աւելի բաղաձայն կան, հարկաւոր է առաջին վանկի մէջ ը աւելացնել, —ըր-նա-կիչ, տըր-տունջ, ծըն-ծա-ղիկ կայն:

5. Եթէ բառերի վերջը երկու կամ աւելի բաղաձայն կան, հարկաւոր է նրանց միացնել իրանից առաջ երոզ ձայնաւորին, —հան-գա-մանք, մե-ծա-յարգ, դատարկ և այլն:

6. Իսկ եթէ բաղաձայներից վերջինը ն կամ ը լինին, այն ժամանակ նրանք իրանցից առաջ երոզ բաղաձայն տառի հետ առանձին վանկ են կազմում՝ ը տառի օգնութեամբ, —կայ-սըը, ծա-նըը, բե-ոըն, մասըն կայն:

§ 3. Տողադարձի կանոնները:

Բառերը մի տողից միւսը փոխադրելու կանոնը կոչուում է տողադարձ:

Տողադարձի ժամանակ հարկաւոր է բառերն ուղիղ վանկերի վերածել՝ վերոգրեալ կանոններին համաձայն (§ 2):

Բացի այդ պէտք է զիտենալ և հետեւեալը.

1. Միավանկ բառերը չեն կարող մի տողից միւսը փոխադրուել:

2. Երկբարբառ ձայնաւորներն անբաժան են մնում:

3. Բառերը մի տողից միւսը փոխադրելու ժամանակ տողի վերջը գրուում է մի փոքրիկ գիծ, որ կոչուում է ննթամայ (-):

ԵՐՐՈՐԴ ԲԱԺԻՆ

Բ Ա Ռ Ե Ր

§ 1. Ի՞նչ է ըստը:

Մէկ կամ աւելի վանկ, որ իւր մէջ մի միտք կամ նշանակութիւն է պարունակում, կոչուում է ըստ,—երգ, գարի, դանակ—ըստեր են:

Բառերը լինում են՝ պարզ և ըարդ, նախատիպ և ածանցեալ:

§ 2. Պարզ եւ ըարդ ըստեր:

Այն բառերը, որոնք միայն մի նշանակութիւն են պարունակում իրանց մէջ, կոչուում են պարզ,—հաց, ձեռք, բարի, շար,—պարզ բառեր են:

Այն բառերը, որոնք երկու կամ աւելի բառերից են կազմուած, կոչուում են ըարդ,—բարեկամ, ջրկիր, հացթուխ, շարասիրտ, առևտուր, աղուհաց—ըարդ բառեր են:

▶ Թարգ բառերը կազմում են կամ առանց յօդակապ տառերի կամ նրանց օգնութեամբ. յօդակապ տառերը հինգ են—ա, ե, ի, ու, և. օր. հացթուխ, ջրկիր, կառավարել, բարեկամ, բանիրուն, կերուխում, առևտուր:

§ 3. Նախատիպ եւ ածանցեալ ըստեր:

Այն բառերը, որոնք ուրիշ բառերից չեն առաջ եկած և իրանց սկզբնական տիպը կամ կերպարանքը անփոփոխ են պահել, կոչուում են նախատիպ,—ձայն, ջուր, մատ, մարդ—նախատիպ բառեր են:

Իսկ այն բառերը, որոնք սկզբից կամ վերջից այլևայլ մասնիկներ են ընդունել, կոչուում են ածանցեալ,—անձայն, ձայնատոր, ձայնատրուծիւն, տմարդի, մարդկուծիւն, մարդկային—ածանցեալ բառեր են:

§ 4. Բանի մասունքները:

Իւրաքանչիւր բառ, առանձին վեր առած, կազմում է բանի կամ նախադասութեան մի մասը:

Բանի մասունքը ինն են՝

- | | |
|-------------------|------------------|
| ա. Գոյական անուն: | ե. Բայ: |
| բ. Ածական անուն: | զ. Նախադրութիւն: |
| գ. Թուական անուն: | է. Մակբայ: |
| դ. Դերանուն: | ը. Չաղկապ: |

թ. Միջարկութիւն կամ ձայնարկութիւն:

Մրանցից առաջին հինգը խօսքի մէջ գործածուելիս փոփոխում են են իրանց վերջաւորութիւնները, ուստի և կոչուում են փոփոխական մասունք բանի, իսկ մնացեալ չորսը անփոփոխ են:

Ա. ԳՈՅԱԿԱՆ ԱՆՈՒՆ

§ 5. Ի՞նչ է գոյական անունը:

Իւրարանչիւր առարկայ ունի իւր առանձին անունը, որը քերականութեան մէջ կոչուում է գոյական անուն,— մարդ, քաղաք, փայտ, անուն, զօրութիւն— գոյական անուններ են:

Գոյական անունները երեք տեսակի են բաժանուում՝

1) յատուկ, 2) հասարակ և 3) հաւարական:

1. Յատուկ կոչուում է այն անունը, որ տրւում է մի որեէ առարկայի՝ նրան իւր նման ուրիշ առարկաներից տարբերելու համար, — Տփլիս, Արագած, Արաքս, Արամ, Չիրակ— յատուկ անուններ են:

2. Հասարակ կոչուում է այն անունը, որը շատ միատեսակ առարկաների է պատկանում,— սեղան, սուն, քաղաք, գետ, գիւղ— հասարակ անուններ են:

3. Հաւարական կոչուում են այն միատեսակ առարկաների անունները, որոնք միասին վեր առած՝ մի սամբողջութիւն են կազմում,— անտառ, գունդ, երամ, հօտ— հաւարական անուններ են:

§ 6. Առարկաների տեսակները:

Առարկաները երկու տեսակի են բաժանուում— նիւթական և մտատը:

Նիւթական կոչուում են այն առարկաները, որոնց մենք ճանաչում ենք մեր հինգ զգայարաններով— տեսանելիքով, լսելիքով, շօշափելիքով, հոտոտելիքով և

ճաշակելիքով.— բամբակ, երկաթ, խնձոր, վարդ, զանգ— նիւթական առարկաներ են:

Մտատը կոչուում են այն առարկաները, որոնց ոչ թէ մեր հինգ զգայարաններով ենք ճանաչում, այլ մտքով ենք ըմբռնում,— սէր, իմաստութիւն, մտածմունք— մտատը առարկաներ են:

Նիւթական առարկաներն, իրանց կարողին, երկու տեսակ են լինում— շնչատը և անշունչ:

Շնչատը կոչուում են այն առարկաները, որոնք իրանց ազատ կամքով կարող են մի տեղից միւսը շարժուել.— մարդ, գազան, թռչուն, անասուն, գիւռն, միջատ— շնչատը առարկաներ են:

Իսկ անշունչ կոչուում են այն առարկաները, որոնք իրանց կամքով չեն կարող շարժուել.— քար, փայտ, սուն, գիրք— անշունչ առարկաներ են:

Մտատը առարկաների մէջ էլ կան այնպիսիները, որ թէև մենք մտքով ենք ըմբռնում, բայց առանձին գոյութիւն ունին— հոգի, հրեշտակ, Աստուած. կան էլ այնպիսիները, որոնք ուրիշ առարկաներից վեր առած յատկութիւններ ու գործողութիւններ են,— քաջութիւն, բարութիւն, կարօտութիւն, միաբանութիւն. սրանք կոչուում են նաև վերացական:

§ 7. Գոյական առարկաների սեռը:

Գոյական անունները չորս սեռ ունին— արական, իգական, հասարակ և չէզոք:

Բոլոր արու առարկաների անունները արական սեռի են,— հայր, եղբայր, փեսայ, աքաղաղ, խոյ— արական սեռի են:

Բոլոր էգ առարկաների անունները իզական սեռի են—մայր, քոյր, հարսն, կին, մատակ, հաւ, մարի,— իզական սեռի են:

Կան անուններ էլ, որոնք միանգամայն թէ արական և թէ իզական առարկաների կարող են պատկանել և կոչուում են հասարակ սեռի—ձի, մարդ, երեխայ, պղաւնի—հասարակ սեռի անուններ են:

Այն անշունչ և վերացական առարկաների անունները, որոնք ոչ արական կարող են լինել և ոչ իզական, կոչուում են չէզոք, — տուն, քար, ծառ, թուղթ, մատիտ, — չէզոք սեռի անուններ են:

§ 8. Գոյական անունների թիւը:

Գոյական անունները երկու թիւ ունին—եզակի և յոգնակի:

Եզակի թիւը ցոյց է տալիս մի առարկայ, իսկ յոգնակին—շատ առարկաներ,—մարդ, քար, տուն, սունկ—եզակի են, իսկ մարդիկ, քարեր, տներ, սուկեր—յոգնակի:

§ 9. Գոյական անունների հոլովները:

Գոյական անունները եօթն հոլով ունին, որոնք պատասխանում են հետևեալ հարցերին.

1. Ուղղական—ո՞վ, ի՞նչ, աշակերտ քար
2. Սեռական—ո՞ւմ, ի՞նչն, աշակերտի քարի
3. Տրական—ո՞ւմ, ի՞նչն (ն) աշակերտի (ն) քարի (ն)
4. Հայցական—ո՞ւմ, ի՞նչը, աշակերտին քարը

5. Բացառական—ո՞ւմսից, ի՞նչից աշակերտից, քարից
6. Գործիական—ո՞ւմսով, ի՞նչով աշակերտով, քարով
7. Ներդոյական } ո՞ւմսում, ի՞նչում աշակերտում, քարում
 } ո՞ւմ մէջ, ի՞նչի մէջ աշակերտի մէջ, քարի մէջ

Բացի սրանցից՝ կայ նաև մի հոլով—կոչական, որը նման է ուղղականին. Տէր, օգնիր ինձ: Արամ, եկ այստեղ: Տէր, Արամ—կոչական հոլով են:

Ո՞վ, ի՞նչ և այլն հարցերը շնչատու առարկաներին են վերաբերում, իսկ ի՞նչ ի՞նչն և այլն—անշունչ:

§ 10. Հոլովում:

Գոյական անունները փոփոխուում են ա) հոլովով և բ) թիւով: Այս փոփոխումը կոչուում է հոլովում:

Հոլովումը լինում է կանոնաւոր և անկանոն:

Կանոնաւոր հոլովումը չորս է. նրանք որոշուում են եզակի թիւի սեռական հոլովի վերջաւորութիւններով:

Առաջին կանոնաւոր հոլովման սեռականը վերջանում է ի, երկրորդինը—ու, երրորդինը—ում, երկուսն էլ, չորրորդինը—ումն կամ կայ:

§ 11. Առաջին կանոնաւոր հոլովում: (Բ)

	ե	զ	ա	կ	ի	թ	ի
Ուղ.	աշակերտ					քար	
Ս.	աշակերտի					քարի	
Տ.	աշակերտի (ն)					քարի (ն)	
Հ.	աշակերտին					քար (ը)	
Բ.	աշակերտից					քարից	
Գ.	աշակերտով					քարով	
Ն.	աշակերտում					քարում	
	աշակերտի մէջ					քարի մէջ	



	Յ	ո	գ	ն	ա	կ	ի	թ	ր	ւ
Ուղ.	աշակերտներ					քարեր				
Ս.	աշակերտների					քարերի				
Տ.	աշակերտների (ն)					քարերի (ն)				
Հ.	աշակերտներին					քարեր (ը)				
Բ.	աշակերտներից					քարերից				
Գ.	աշակերտներով					քարերով				
Ն.	} աշակերտներում					քարերում				
	} աշակետների մէջ					քարերի մէջ				

Այսպէս հորովում են գոյական անունների մեծ մասը:

§ 12. Երկրորդ կանոնատր հորովում:

(ու)

	Յ	ո	գ	ն	ա	կ	ի	թ	ր	ւ
Ուղ.	աղանի					մատանի				
Ս.	աղանու					մատանու				
Տ.	աղանու (ն)					մատանու (ն)				
Հ.	աղանուն					մատանին				
Բ.	աղանուց					մատանուց				
Գ.	աղանով					մատանով				
Ն.	} աղանու մէջ					} մատանում				
	} աղանու մէջ					} մատանու մէջ				

	Յ	ո	գ	ն	ա	կ	ի	թ	ր	ւ
Ուղ.	աղանիներ					մատանիներ				
Ս.	աղանիների					մատանիների				
Տ.	աղանիների (ն)					մատանիների (ն)				
Հ.	աղանիներին					մատանիներ (ը)				
Բ.	աղանիներից					մատանիներից				
Գ.	աղանիներով					մատանիներով				
Ն.	} աղանիների մէջ					} մատանիներում				
	} աղանիների մէջ					} մատանիների մէջ				

Այս հորովման վրայ հորովում են բոլոր ի վերջացող գոյական անունները. միավանկ բառերի մէջ ի վերջաւորութիւնը հորովուելիս մնում է:

Ի վերջացող գոյական անուններից միքանիսը, ինչպէս նաև նոյն վերջաւորութեամբ հայ և օտարազգի յատուկ անունները, հորովուելիս իրանց վերջաւորութիւնները պահում են և հորովում առաջին հորովման վրայ, օր. ածերի, Ասիի, Կրիստոսի ևայլն:

§ 13. Երրորդ կանոնատը հորվում:
(ան կամ եան)

	Ն	գ	ա	կ	ի	թ	ի	ւ
Ուղ.	տուն	տէրութիւն						
Ս.	տան	տէրութեան						
Տ.	տան (ը)	տէրութեան (ը)						
Հ.	տուն (ը)	տէրութիւն (ը)						
Բ.	տանից	տէրութիւնից						
Գ.	տնով	տէրութիւնով (թեամբ)						
Ն.	տանն տան մէջ	տէրութեան մէջ						

	Յ	ո	գ	ն	ա	կ	ի	թ	ի	ւ
Ուղ.	տներ	տէրութիւններ								
Ս.	տների	տէրութիւնների								
Տ.	տների (ն)	տէրութիւնների (ն)								
Հ.	տներ (ը)	տէրութիւններ (ը)								
Բ.	տներից	տէրութիւններից								
Գ.	տներով	տէրութիւններով								
Ն.	տներում տների մէջ	տէրութիւնների մէջ								

Այս հորվման վրայ հորվում են ուն վերջացած գոյական անունները, բացի հուն և ըուն և մէկ էլ այն բառերից, որոնց մէջ ուն վերջաւորութիւնը ածանցական մասնիկ է, օր. թռչուն, սողուն և այլն:
Երրորդ հորվման պէս հորվում են նաև ուլ վեր-

ջացած գոյական անունները, որոնք միւկնոյն ժամանակ հորվում են և առաջին հորվման վրայ, օր. օծում, օծման կամ օծումի և այլն:

Բացի այդ այս հորվման վրայ հորվում են այն գոյական անունները, որոնց վերջում ն տառն անչայտացել է— դուռ (ն), մուկ (ն), թոռ (ն) և այլն:

Այս կարգի բառերից միքանիսը հորվում են միւկնոյն ժամանակ և առ. հորվման վրայ, օր. գ առ, գ առ ան կամ գ առ ի: Կան և այնպիսիները, որոնք միմիայն առ. հորվման վրայ են հորվում, - օտ, կաթ, մատ, անձն, մասն:

Տէրութիւն բառի նման հորվում են բոլոր թիւն վերջացող գոյական անունները:

Թիւն վերջացող յատուկ անունները հորվում են առ. հորվման վրայ:

§ 14. Չորրորդ կանոնատը հորվում:
(ուայ-ուան)

	Ե	գ	ա	կ	ի	թ	ի	ւ	Յոգնակի թիւ
Ուղ.	գիշեր	գիշերներ							
Ս.	գիշերուայ-ուան	գիշերների							
Տ.	գիշերուան	գիշերների (ն)							
Հ.	գիշեր (ը)	գիշերներ (ը)							
Բ.	գիշերուանից	գիշերներից							
Գ.	գիշերով	գիշերներով							
Ն.	գիշերում գիշերուայ մէջ	գիշերներում գիշերների մէջ							

Այսպէս հորվում են բոլոր ժամանակ ցոյց տուող գոյական անունները. բայց սրանցից միքանիսը միւկնոյն ժամանակ հորվում են և առ. հորվման վրայ:

§ 15. Անկանոն հորվումներ:

Կան գոյական անուններ, որոնք հորվուելիս եզակի կամ յոգնակի թւում ընդհանուր կանոնից շեղում են, ուստի և կոչում են անկանոն հորվուող բառեր. օրինակ, եզակի թւում շեղում են՝ հայր, մայր, եղբայր, բոյր, տէր, կին, աներ, ընկեր, սէր, Աստուած կայն, ինչպէս նաև սրանցից բարդուած բառերը. յոգնակի թւում հայ, յոյն, հրէայ, քաղաքացի, կարնեցի, ծնող, աղջիկ, կին, ուսումն, մարդ կայլն:

Սակայն այս բառերը շատ անգամ հորվում են և կանոնաւոր հորվման վրայ:

Կան նաև շատ գոյական անուններ, որոնք հորվուելիս իրանց վերջին վանկում եղած ձայնաւորները, մանաւանդ ի, ու, իւ, կամ կորցնում են, կամ փոխում, ուստի և կոչում են կորուսւածը և փոխուածը հորվուող բառեր:

ՊԱՏԿԵՐ ԱՆԿԱՆՈՆ ՀՈՂՈՎՄԱՆ:

ա.)			
Ուղ.	Ե	Ղ	Ս
հայր	բոյր	սէր	
հօր	բրոջ	սիրոյ	
հօրը	բրոջը	սիրոյ (սիրոյն)	
հօրը	բրոջը	սէր (ը)	
հօրից	բրոջից	սիրուց	
հօրով (հօր հետ)	բրոջով (բրոջ հետ)	սիրով	
հօր մէջ	բրոջ մէջ	(սիրում սիրոյ մէջ)	

բ. Յ ո զ ն ա կ ի թ լ ու մ:				
Ուղ.	հայր (հայեր)	յոյն (ներ)	հրէայր (ներ)	վանեցիք
Ս.	հայոց	յունաց	հրէից	վանեցոց
Տ.	հայոց	յունաց	հրէից	վանեցոց (ը)
Հ.	հայերին	յոյներին	հրէաներին	վանեցոց
Բ.	հայերից	յոյներից	հրէաներից	վանեցիներից
Գ.	հայերով	յոյներով	հրէաներով	վանեցիներով
Ն.	յ հայերում	յոյներում	հրէաներում	վանեցիներում
	յ հայերի մէջ	յոյների մէջ	հրէաների մէջ	վանեցիների մէջ

ԿՈՐՈՒՄՄԱՐԵ ԵՆ ՓՈՓՈՊՄԱՐԵ ՀՈՂՈՎՈՒՄ:

ե զ ա կ ի թ ի լ			
Ուղ.	մարմին	ջուր	պատիւ
Ս.	մարմ'նի	ջ'րի	պատուի
Տ.	մարմ'նի (ն)	ջ'րի (ն)	պատուի (ն)
Հ.	մարմին (ը)	ջուր (ը)	պատիւ (ը)
Բ.	մարմ'նից	ջ'րից	պատուից
Գ.	մարմ'նով	ջ'րով	պատուով
Ն.	յ մարմ'նում	ջ'րում	պատում
	յ մարմ'նի մէջ	ջ'րի մէջ	պատուի մէջ

Յօգնակի թւում վերոյիշեալ ձայնաւորները երբեմն մնում են, երբեմն կորչում:

Բ.) ԱԾԱԿԱՆ ԱՆՈՒՆ:

§ 16. Ի՞նչ է ածական անունը:

Այն բառերը, որոնք ցոյց են տալիս առարկաների որպիսութիւնը կամ յատկութիւնը, կոչւում են ածական անուն:

Ածական անունը պատասխանում է ի՞նչպիսի կամ

որպիսի և որ հարցերին, — կատրոյտ երկինք, գեղեցիկ դէմք, կարմիր խնձոր, — կատրոյտ, գեղեցիկ, կարմիր — ածական անուններ են:

Ածական անունները լինում են երկու տեսակ — որակական և յարաբերական:

§ 17. Որակական ածական անուններ:

Որակական ածականները ցոյց են տալիս առարկաների ընդհանուր որպիսութիւնը: — Գեղեցիկ, տգեղ, բարձր, հարթ — որակական ածական անուններ են:

Որակական ածականներն ունին երեք համեմատութեան աստիճաններ — դրական, բաղդատական, գերադրական:

ա.) Դրական աստիճանը ցոյց է տալիս առարկայի պարզ որպիսութիւնը, առանց համեմատելու նրան ուրիշ առարկաների հետ — բարի մարդ, գեղեցիկ տուն, փոքր սեղան:

բ.) Բաղդատական աստիճանը, համեմատելով առարկաների որպիսութիւնը, ցոյց է տալիս նրանցից մէկի կամ միւսի որպիսութեան առատելութիւնը կամ նուազութիւնը:

Սա կազմուում է զբական աստիճանի վրայ աւելի բառն աւելացնելով — աւելի բարի մարդ, աւելի գեղեցիկ տուն, աւելի փոքր սեղան:

գ.) Գերադրական աստիճանը ցոյց է տալիս, թէ մի առարկայ որպիսութեան կողմից իւր նմաններից գերազանց է կամ չափազանց սուրբ է:

Սա կազմուում է զբական աստիճանի վրայ ամենամասնիկը և շատ չափազանց, սատաիկ, անչափ բառերն աւելացնելով — ամենաբարի կամ չափազանց բարի մարդ, ամենագեղեցիկ կամ շատ գեղեցիկ տուն, ամենափոքր կամ սատաիկ փոքր սեղան:

§ 18. Յարաբերական ածական անուններ:

Յարաբերական ածական անունները ցոյց են տալիս առարկաների մէջ եղած յարաբերութիւնը — նիւթը, տեղը, ժամանակը, ում պատկանելը, — բարձ տուն, պարսկական երկիր, հայկական լեզու, երեկոյեան ժամերգութիւն:

Յարաբերական ածական անունները համեմատութեան աստիճաններ չունին. չի կարելի ասել՝ աւելի բարձ տուն, ամենահայկական լեզու, ետջն:

§ 19. Ածական անունների հոլովումը:

Հայերէն լեզուի մէջ ածական անունները, գոյականների հետ վարուելիս՝ միշտ նախադաս են զրուում և չեն հոլովում, իսկ երբ միայնակ են գործածուում, վարուում են՝ իբրև գոյական և հոլովուում են, — աղքատ մարդ, աղքատ մարդու, աղքատ մարդուց հայն. աղքատ, աղքատի, աղքատից, աղքատով, հայն:

Գ. ԹՈՒՎԿԱՆ ԱՆՈՒՆ

§ 20. Ի՞նչ է թուական անունը եւ քանի՞ տեսակ է լինում:

Այն բառերը, որոնք ցոյց են տալիս առարկաների թիւը կամ կարգը, կոչուում են թուական անուն:

Թուական անունները երկու տեսակ են լինում —

1) քանակական եւ 2) դասական:

1) Քանակական թուական անունները ցոյց են տալիս առարկաների պարզ թիւը եւ պատասխանում են քանի՞ կամ որքան հարցերին:

2) Դասական թուական անունները ցոյց են տալիս առարկաների կարգը (դասը) եւ պատասխանում են ո՞ր կամ ո՞րերորդ հարցերին:

Օրինակ—քանակական - մէկ, երկու, երեք, չորս, կայլն:

Դասական— առաջին, երկրորդ, երրորդ, չորրորդ, կայլն:

Քանակական թուական անունների շարքին են պատկանում նաև կոտորակականները, որոնք ցոյց են տալիս ամբողջի մի կամ մի քանի մասը— մի քառորդ, երեք քառորդ, երկու երրորդ կայլն:

Թուական անունները գործ են ածուում թէ՛ գոյականապէս եւ թէ՛ ածականապէս:

Գոյականապէս վարուելիս նրանք փոփոխուում են հոլովով եւ թուով, իսկ ածականապէս վարուելիս՝ անփոփոխ են մնում:

Օրինակ՝ չորս մարդ, չորս մարդու, չորս մարդուց կայլն:

Չորսը, չորսի, չորսին, չորսով կայլն:

Գ. ԳԵՐԱՆՈՒՆ

§ 21. Ի՞նչ է դերանունը եւ քանի՞ տեսակ է լինում:

Այն բառերը, որոնք գործ են ածուում գոյական եւ ածական անունների տեղ, կոչուում են դերանուն:— Ես, դու, նա, իւր, իմ, այս, այսպիսի կայլն—դերանուններ են:

Այն դերանունները, որոնք գոյական անունների տեղ են դրուում, կոչուում են գոյական դերանուններ, իսկ նրանք, որոնք դրուում են ածական անունների տեղ, կոչուում են ածական դերանուններ:

Գերանուններն, իրանց մասնաւոր նշանակութիւններին նայելով, լինում են եօթը տեսակ:

1) Անճնական կամ էական— ես, դու, ինքն (նա):

2) Ստացական— իմ, քո, մեր, ձեր, իւր:

3) Հարցական— ո՞վ, ի՞նչ, քանի, ո՞րքան, ո՞րչափ, ի՞նչպիսի, ո՞րպիսի:

4) Յուցական— սա, դա, նա, այս, այդ, այն, սոյն, դոյն, նոյն, այսպիսի, այդպիսի, այնպիսի, այսչափ, այդչափ, այնչափ:

5) Յարարեցական— որ:

6) Որոշեալ— ամենքը, բոլորը, ամեն մէկը, իւրաքանչիւրը:

7) Անորոշ— ոմն, որ, մի որ, մի ինչ, ոչ որ, ոչինչ, այլոք, այլինչ, միւս, այլ:

§ 22. Գիմորոշ յօւեր:

Գերանունների արձատական տառերը— ս, դ, ն, (ը), որոնք դրուելով հոլովուող բառերի վրայ՝ որոշում են նրանց գէմբերը, կոչուում են գիմորոշ յօւեր:

Ս — որոշում է առաջին դէմքին վերաբերեալ բանը — հայրս, ուսուցիչս:

Դ — երկրորդ դէմքին վերաբերեալ բանը — հայրու, ուսուցիչու:

Ն — երրորդ դէմքին վերաբերեալ բանը — հայրն (ը), ուսուցիչն (ը):

§ 23. Գերանունների յորովումը:

Գոյական գերանուններից շատերը հորովում են գոյականների նման, գլխաւորապէս առաջին կանոնաւոր հորովման վրայ, իսկ ածական գերանունները կամ ամենեին չեն հորովում և կամ յօդով են հորովում:

Գոյական գերանուններից՝ ես, դու, ինքն, նա, ով — իրանց առանձին հորովումն ունին:

	Եզ. թ.	Յոզ. թ.	Եզ. թ.	Յոզ. թ.
Ուզ.	ես	մենք	դու	դուք
Ս.	իմ	մեզ	քո	ձեր
Տ.	ինձ	մեզ	քեզ	ձեզ
Հ.	ինձ	մեզ	քեզ	ձեզ
Բ.	ինձանից	մեզանից	քեզանից	ձեզանից
Գ.	ինձանով	մեզանով	քեզանով	ձեզանով
Ն.	ինձանում	մեզանում	քեզանում	ձեզանում

	Եզ. թ.	Յոզ. թ.	Եզ. թ.	Յոզ. թ.
Ուզ.	ինքն	իրանք	նա*)	նրանք
Ս.	իրա, իւր	իրանց	նրա	նրանց
Տ.	իրան	իրանց	նրան	նրանց
Հ.	իրան	իրանց	նրան	նրանց
Բ.	իրանից	իրանցից	նրանից	նրանցից
Գ.	իրանով	իրանցով	նրանով	նրանցով
Ն.	իրանում	իրանցում	նրանում	նրանցում

	Եզ. թ.	Յոզ. թ.
Ուզ.	ով	ովքեր
Ս.	ում	
Տ.	ում	
Հ.	ում	
Բ.	ումնից	
Գ.	ումնով	
Ն.	ումնում	

*) Այսպէս հորովում են նաև սա, դա գերանունները:

Ե. Բ Ա Յ

§ 24. Ի՞նչ է ըսյը:

Այն բառերը, որոնք ցոյց են տալիս առարկաների գործողութիւնը կամ դրութիւնը, կոչուում են ըսյ:— Աշակերտը կարդում է: Զուներ պաղկեց:

§ 25. Բայերի սեռերը:

Բայերը երեք սեռ ունին.

ա.) Ներգործական, որ ցոյց է տալիս այնպիսի գործողութիւն, որն անցնում է ուրիշ առարկայի վրայ:— Որսորդն սպանեց արջին:

բ.) Կրատրական, որ ցոյց է տալիս այնպիսի գործողութիւն, որը մի առարկայ կրում է ուրիշից:— Յոյներն յաղթուեցին թուրքերից:

գ.) Չէզոք, որը ցոյց է տալիս առարկայի դրութիւնը կամ այնպիսի գործողութիւն, որը չէ անցնում ուրիշ առարկայի վրայ, այլ մնում է գործող անձի մէջ:— Աշակերտը նստեց իւր տեղը:

§ 26. Բայի եղանակները:

Բայի եղանակները չորս են.

ա.) Անորոշ, որը բայի սկզբնական ձևն է: Սա ունի չորս վերջաւորութիւն—ալ, ել, իլ, անալ:— Գնալ, տեսնել: Խօսել: Բարկանալ:

բ.) Սահմանական, որը որոշում է, թէ ո՞վ և երբ է կատարում գործողութիւնը:— Ես տեսնում եմ, Գուկը կարդաս: Նա խաղում էր:

Սահմանական եղանակն ունի երեք ժամանակ— ներկայ, անցեալ, ապանի:

գ.) Հրատայական, որն յայտնում է խօսողի հրամանը կամ խնդիրը, որ գործողութիւնը կատարուի կամ չըկատարուի:— Կարդն դասը: Մի՛ գնար դուրս:

դ.) Ստորադասական, որն յայտնում է խօսողի կասկածը գործողութեան կատարուելու մասին:— Որ նստեմ, թէ որ գնանք:

§ 27. Բայի ժամանակները:

Բայի ժամանակները երեք են.

ա.) Ներկայ ժամանակ, որ ցոյց է տալիս, թէ գործողութիւնը այժմ է կատարւում:— Կարդում է:

բ.) Անցեալ ժամանակ, որ ցոյց է տալիս, թէ գործողութիւնը առաջ էր կատարւում կամ արդէն կատարուել է:

Սա լինում է երկու տեսակ—անցեալ անկատար և անցեալ կատարեալ:— Աշակերտը կարդում էր: Աշակերտը կարդաց:

գ.) Ապանի ժամանակ, որ ցոյց է տալիս, թէ գործողութիւնը յետոյ պէտք է կատարուի:

Սա էլ լինում է երկու տեսակ—պարզ և բաղադրեալ:— Աշակերտը կրկարդայ (պարզ): Աշակերտը պիտի կարդայ (բաղ.):

§ 28. Բայի դէմքերը եւ թուերը:

Բայը երեք դէմք ունի—առաջին, երկրորդ, երրորդ—(անձնական դերանունների համեմատ):— Ես կարդում եմ, դու կարդում ես, նա կարդում է:

Թուերը երկուս են — եզակի և յոգնակի: — Խաղում է. Խաղում են:

§ 29. Գերբայ:

Բայերից առաջ են գալիս դերբայները, որոնք գործ են ածուում թէ իբրև բայ և թէ իբրև գոյական կամ ածական անուն:

Գերբայները չորս են:—

ա.) Անորոշ, որն ունի բայի անորոշ եղանակի վերջաւորութիւնները — ալ, ել, իլ, անալ:— Հարկաւոր չէ գնալ: Կարճիկ ևս գրել: Գպրոցում արգելուած է իստիլ: Ժուլանալը լաւ չէ:

բ.) Ներկայ, որը վերջանում է ող, սող:— Գնացող: Փոփոխտող:

գ.) Անցեալ, որը վերջանում է ած (ուած) և ել:— Այգալիսի բան տեսած չեմ: Քոյրս իւր դասն արդէն սովորել է:

դ.) Ապառնի, որը վերջանում է լու:— Գնալու ճանապարհը հարթ է: Եզրայրս վաղը վերադառնալու է:

30. Խոնարհում:

Բայերը փոփոխուում են ա.) եղանակներով, բ.) ժամանակներով, գ.) դէմքերով և դ.) թուերով: Բայերի այս փոփոխումը կոչուում է խոնարհում: Խոնարհումը լինում է երկու տեսակ — կանոնաւոր և անկանոն:

§ 31. Օգնիչ բայեր եմ և լինել:

ա. եմ

Ս ա հ մ ա ն ա կ ա ն ե դ ա ն ա կ			
Նոյր Խոնոր	Եզ. թ. Ես եմ	Անտոնիկոյ Խոնոր	Եզ. թ. Ես էի
	Դու ես		Դու էիր
	Նա է.		Նա էր.
	Յոգ. թ. Մենք ենք		Յոգ. թ. Մենք էինք
	Դուք էք		Դուք էիք
	Նոքա են		Նոքա էին

բ. լինել

Ս ա հ մ ա ն ա կ ա ն ե դ ա ն ա կ

Ն ե թ կ ա յ

Ե գ ա կ ի թ ի լ		Յ ո գ ն ա կ ի թ ի լ	
Ես լինում եմ		Մենք լինում ենք	
Դու լինում ես		Դուք լինում էք	
Նա լինում է.		Նոքա լինում են:	

Անցեալ անկատ.

Ես լինում էի	Մենք լինում էինք
Դու լինում էիր	Դուք լինում էիք
Նա լինում էր.	Նոքա լինում էին:

Ա ն ց ե ա լ կ ա տ ա ր ե ա լ

Ես եղայ	Մենք եղանք
Դու եղար	Դուք եղաք
Նա եղաւ.	Նոքա եղան:

Ա ս ա ո ն ի ս ա ը զ

Ես կըլինիմ	Մենք կըլինինք
Դու կըլինիս	Դուք կըլինիք
Նա կըլինի.	Նոքա կըլինին:

Ա պ ա տ ի ը ի ն ի մ

Ես պիտի լինիմ	Մենք պիտի լինինք
Դու պիտի լինիս	Դուք պիտի լինիք
Նա պիտի լինի.	Նոքա պիտի լինին:

Հ ր ա մ ա յ ա կ ա ն ե զ ա ն ա կ

Դու } եղիք մի լինիք.	Դուք } եղէք մի լինիք:
-------------------------	--------------------------

Ս ա տ ր ա զ ա ս ա կ ա ն ե զ ա ն ա կ

Ես որ լինիմ	Մենք որ լինինք
Դու որ լինիս	Դուք որ լինիք
Նա որ լինի.	Նոքա որ լինին:

Գ ե ը ր ա յ

Անորոշ լինել
Ներկայ եզոզ
Անցեալ եզել, եզած
Ապատնի լինելու

§ 32. Կանոնատր խոնարհում:

Ա ն ո Ր Ո Շ ե զ ա ն ա կ

1) ալ

2) ել

Կարգալ	Սիրելի
--------	--------

Սահմանական եղանակ

Ներկայ ժամ.

Ես կարգում եմ	սիրում եմ
Դու կարգում ես	սիրում ես
Նա կարգում է.	սիրում է.
Մենք կարգում ենք	սիրում ենք
Դուք կարգում էք	սիրում էք
Նոքա կարգում են:	սիրում են:

Անցեալ անկատար

Ես կարգում էի	սիրում էի
Դու կարգում էիր	սիրում էիր
Նա կարգում էր.	սիրում էր.
Մենք կարգում էինք	սիրում էինք
Դուք կարգում էիք	սիրում էիք
Նոքա կարգում էին:	սիրում էին:

Անցեալ կատարեալ

Ես սիրեցի	կարգացի
Դու սիրեցիր	կարգացիր
Նա սիրեց.	կարգաց.
Մենք սիրեցինք	կարգացինք
Դուք սիրեցիք	կարգացիք
Նոքա սիրեցին:	կարգացին:

Ապանի պարզ

Ես կրկարգամ	կրսիրեմ
Դու կրկարգաս	կրսիրես
Նա կրկարգայ	կրսիրէ
Մենք կրկարգանք	կրսիրենք
Դուք կրկարգաք	կրսիրէք
Նոքա կրկարգան	կրսիրեն

Ապանի բաղադրեալ

Ես պիտի կարգամ	պիտի սիրեմ
Դու » կարգաս	» սիրես
Նա » կարգայ	» սիրէ .
Մենք » կարգանք	» սիրենք
Դուք » կարգաք	» սիրէք
Նոքա » կարգան	» սիրեն

Հրամայական եղանակ

Դու { կարգահ	սիրի
մի կարգար	Մի սիրի
Դուք { կարգացէք	սիրեցէք
մի կարգաք	մի սիրէք

Ստորադասական եզանակ

Ես որ կարգամ	որ սիրեմ
Գու » կարգաս	» սիրես
Նա » կարգայ	» սիրէ
Մենք » կարգանք	» սիրենք
Գուք » կարգար	» սիրէք
Նորա » կարգան	» սիրեն

Գ Ե Ր Բ Ա յ

ա. Անորոշ

Կարգալ	սիրել
--------	-------

բ. Ն ե Ր կ ա յ

Կարգացող	Ս ի Ր ո ղ
----------	-----------

գ. Անցեալ

Կարգացել Կարգացած	Սիրել Սիրած
----------------------	----------------

դ. Ապառնի

Կարգալու	Սիրելու
----------	---------

Անորոշ եզանակ

3) իլ

4) անալ.

Խօսիլ	Բարկանալ
-------	----------

Սահմանական եզանակ

Ներկայ ժամանակ.

Ես խօսում եմ	բարկանում եմ
Գու խօսում ես	բարկանում ես
Նա խօսում է	բարկանում է
Մենք խօսում ենք	բարկանում ենք
Գուք խօսում էք	բարկանում էք
Նորա խօսում են:	բարկանում են:

Անցեալ անկառար

Ես խօսում էի	բարկանում էի
Դու խօսում էիր	բարկանում էիր
Նա խօսում էր.	բարկանում էր.
Մենք խօսում էինք	բարկանում էինք
Դուք խօսում էիք	բարկանում էիք
Նորա խօսում էին:	բարկանում էին:

Անցեալ կատարեալ

Ես խօսեցի	բարկացայ
Դու խօսեցիր	բարկացար
Նա խօսեց (աւ).	բարկացաւ.
Մենք խօսեցինք	բարկացանք
Դուք խօսեցիք	բարկացոք
Նորա խօսեցին (ան):	բարկացան:

Ապառնի պարզ.

Ես կըխօսեմ	կըբարկանամ
Դու կըխօսես	կըբարկանաս
Նա կըխօսէ (ի)	կըբարկանայ
Մենք կըխօսենք	կըբարկանանք
Դուք կըխօսէք	կըբարկանաք
Նորա կըխօսեն (ին)	կըբարկանան

Ապառնի բաղադրեալ

Ես պիտի խօսեմ	պիտի բարկանամ
Դու » խօսես	» բարկանաս
Նա » խօսէ (ի)	» բարկանայ
Մենք » խօսենք	» բարկանանք
Դուք » խօսէք	» բարկանաք
Նորա » խօսեն	» բարկանան

Հրամայական եղանակ

Դու { խօսիր	բարկացիր
մի խօսիր	մի բարկանար
Դուք { խօսեցէք	բարկացէք
մի խօսէք	մի բարկանար

Ստորադասական եղանակ

Ես որ խօսեմ	որ բարկանամ
Դու » խօսես	» բարկանաս
Նա » խօսէ (ի)	» բարկանայ
Մենք » խօսենք	» բարկանանք
Դուք » խօսէք	» բարկանաք
Նորա » խօսեն	» բարկանան

Գ Ե Ր Բ Ա Յ

ա. Ներկայ

խօսող	բարկացող
-------	----------

բ. Անցեալ

խօսել	բարկացել
խօսած	բարկացած

գ. Ապառնի

խօսելու	բարկանալու
---------	------------

§ 33. Անկանոն խոնարհում:

Այն բայերը, որոնք խոնարհուելիս շեղում են ընդհանուր կանոնից, կոչւում են անկանոն խոնարհում ունեցող բայեր, ինչպէս օրինակ՝ տարուել, դրուել, ուտել, գալ բայերը:

Ա ն ց ե ա լ	կ ա տ ա ը ե ա լ		
տ ա ը ու ե լ	դ ը ու ե լ	ու տ ե լ	գ ա լ
Տարուեցայ	դրուեցայ	կերայ	եկայ
Տարուեցար	դրուեցար	կերար	եկար
Տարուեցաւ.	դրուեցաւ.	կերաւ.	եկաւ.
Տարուեցանք	դրուեցանք	կերանք	եկանք
Տարուեցաք	դրուեցաք	կերաք	եկաք
Տարուեցանք:	դրուեցանք:	կերանք:	եկանք:

Զ. ՄԱԿՅԱՅ

§ 34. Ինչ է մակրայը:

Այն բառերը, որոնք ցոյց են տալիս առարկաների գործողութեան կամ դրութեան զանազան պարագաները, այսինքն՝ կերպը, քանակութիւնը, տեղը, ժամանակը, պատճառը կամ նպատակը ևայլն, կոչւում են մակրայ:

§ 35. Մակրայների տեսակները:

Մակրայները բաժանւում են հետեւեալ գլխաւոր տեսակների.

1. Որակահասն—ինչպէս, այսպէս, այդպէս, այնպէս, սաստիկ, բունի, կամայ, ակամայ ևայլն:

Որակական մակրայներից նրանք, որոնք առաջ են դալիս որակ. ածական անուններից, ունին համեմատութեան աստիճաններ:

2. Բանական—այսչափ, այդչափ, որքան, շատ, սակաւ, աւելի շատ, ևայլն:

3. Տեղական—այտեղ, այդտեղ, այնտեղ, հեռու, մօտիկ, ուր, որտեղ, ներքը, դուրքը, ևայլն:

4. Ժամանակական—այժմ, յետոյ, երէկ, վաղուց, միշտ, ևայլն:

է. ՆԱԽԱԳՐՈՒԹԻՒՆ

§ 36. Ինչ է նախադրութիւնը:

Այն բառերը, որոնք՝ դրուելով մի որեէ հարմի վրայ (բացի ուղղականից), ցոյց են տալիս նրանց փոխադարձ յարաբերութիւնները, կոչւում են նախադրութիւն, օրինակ՝ վրայ, հետ, մօտ, յետոյ, հաժար, ներքեւ, վերեւ, առանց, մէջ, ևայլն:

Բ. ՉԱՂԿԱՍՊ

§ 37. Ի՞նչ է շաղկապը:

Այն բառերը, որոնք մեր խօսակցութեան ժամանակ կապում են մեր ամբողջ խօսակցութիւնները (մտքերը) կամ նրանց այլեայլ մասերը միմեանց հետ, կոչւում են շաղկապ, օր. ես կարգում եմ, իսկ դու գրում: Ես եւ դու կարդում ու գրում ենք:

§ 38. Շաղկապների տեսակները:

Չաղկապները լինում են՝

ա.) Արմատական—եւ (ու), իսկ, քայց, այլ, էլ, կամ, թէ, սակայն:

բ.) Ածանցեալ, որոնք առաջ են գալիս բանի միւս մասունքներից—այսինքն, այնուամենայնիւ, որպէսզի, կարծես թէ, եւր թէ, կայն:

Թ. ՉԱՅՆԱՐԿՈՒԹԻՒՆ ԿԱՄ ՄԻՋԱՐԿՈՒԹԻՒՆ

§ 39. Ի՞նչ է ձայնարկութիւնը:

Այն բառերը, որոնք արտայայտում են մեր հոգու գանազանատեսակ կրքերը—վիշտը, նեղութիւնը, երկիւղը, զարմանքը, ափսոսանքը, ուրախութիւնը, ցանկութիւնը, զգուանքը, կայն, կոչւում են ձայնարկութիւն, կամ միջարկութիւն. օրինակ՝ անի, ո՞հ, վայ, այ, երանի՛ թէ, ախո՞ս, վայ թէ, կայն:

Ձայնարկութիւնների թուին են պատկանում և այն հնչիւնները, որոնցով մենք արտայայտում ենք անշունչ առարկաների կամ կենդանիների հանած ձայները—թըրխկ-չըրխկ, փիս-փիս, միամու, ամու-ամու, կայն:

ՉՈՐՐՈՐԳ ԲԱԺԻՆ

§ 1. Ի՞նչ է նախադասութիւնը:

Իւրաքանչիւր մի միտք կամ դատողութիւն, որ արտայայտում ենք բառերով, կոչւում է ըսն կամ նախադասութիւն:—Աշակերտը կարդում է: Քարն ընկաւ: Աստուած մեծ է,—նախադասութիւններ են:

§ 2. Նախադասութեան գլխատը անոմները:

Իւրաքանչիւր նախադասութիւն ունի երկու գլխատը անոմներ—ենթակայ և ստորոգեալ:

ա.) Ենթական այն առարկան է, որի մասին խօսւում է նախադասութեան մէջ: Վերոյիշեալ նախադասութիւնների մէջ աշակերտը, քարը, Աստուած—ենթականեր են:

բ.) Ստորոգեալն այն է, ինչ որ ասւում է ենթակայի մասին.—միևնոյն նախադասութիւնների մէջ—կարդում է, ընկաւ, մեծ է—ստորոգեալներ են:

Նախադասութեան մէջ ենթական հեշտութեամբ կծրելի է գտնել, ստորոգեալի հետ տալով ո՞վ և ի՞նչ հարցերը:—Ո՞վ է կարդում:—Աշակերտը: Ի՞նչն ընկաւ:—Քարը:

Իսկ ստորոգեալը գտնելու համար հարկաւոր է ենթակայի հետ այս հարցերը տալ—Ի՞նչ է անում, ի՞նչ եղաւ, ի՞նչպէս է, ի՞նչ է (ինչ ըսն է):—Աշակերտն ի՞նչ է անում:—Կարդում է, Քարն ի՞նչ եղաւ:—Ընկաւ: Աստուած ի՞նչպէս է:—Մեծ է: Խնձորն ի՞նչ է (ինչ ըսն է):—Պտուղ է:

Գրելիս ենթական ստորոգեալից ոչ մի կէտով չէ

§ 3. Նախադասութեան երկրորդական անդամները:

Բացի գլխաւոր անդամներից նախադասութեան մէջ լինում են նաև երկրորդական անդամներ:

Նախադասութեան երկրորդական անդամները չորս տեսակ են լինում:

- ա.) Որոշիչ կամ յատկացուցիչ բառեր:
- բ.) Խնդիրներ կամ լրացուցիչ բառեր:
- գ.) Պարագայական կամ հանգամանական բառեր:
- դ.) Կոչական բառեր:

§ 4. Որոշիչ կամ յատկացուցիչ բառեր:

Որոշիչ կամ յատկացուցիչ կոչում են այն բառերը, որոնք որոշում են մի առարկայ ուրիշ իւր նման առարկաներից՝ ցոյց տալով նրա որպիսութիւնը կամ պատկանելութիւնը:

Նրանք պատասխանում են այս հարցերին՝—որպիսի կամ ինչպիսի, քանի, ո՞ր, ո՞ւմ, ինչի՞:—Չար մարդիկ պատժի արժանի են: Եզրայրս երբորս դասարանումն է: Մանուկի գլուխը ցաւում է: Լոսամուտի ապակին կոտրուեց:

Որոշիչ բառերը որոշեալից ո՛չ մի կէտով չեն բաժանում:

§ 5. Խնդիրներ կամ լրացուցիչ բառեր:

Խնդիրներ կամ լրացուցիչներ կոչւում են այն բառերը, որոնք լրացնում են ստորոգեալի միտքը:

Նրանք պատասխանում են այս հարցերին.

Ո՞ւմ ի՞նչ(ը) (Հայց. հոլ.)—Որսորդն սպանեց արջին: Ես դանակ գնեցի:

Ո՞ւմ, ի՞նչի՞: (Տրակ. հոլ.) Աշակերտը գիրքը տուեց ուսուցչին: Հանասէր աշակերտը գովեստի արժանի է:

Ո՞ւմնից, ինչի՞ց (Բաց. հոլ.):—Նա եղբորից նամակ ստացաւ: Մարդու առողջութիւնը հարստութիւնից բարձր է:

Ո՞ւմնով, ինչով: (Գործ. հոլ.):—Մի մարդով գործը գլուխ չի գալ: Աշակերտը մատիտով գրում է:

Խնդիրները կամ լրացուցիչ բառերը ստորոգեալից և նախադասութեան միւս անդամներից ո՛չ մի կէտով չեն բաժանում:

§ 6. Հանգամանական կամ պարագայական բառեր:

Եյն բառերը, որոնք ցոյց են տալիս առարկայի գործողութեան կամ դրութեան զանազան հանգամանքները, կոչւում են հանգամանական կամ պարագայական բառեր:

Հանգամանական կամ պարագայական բառերը ցոյց են տալիս.

ա.) Գործողութեան տեղը և պատասխանում են այս հարցերին.—որտեղ, որտեղից, ուր:—Մայրս նստած է սենեակում: Աշակերտները դպրոցից տուն եկան:

բ) Գործողութեան ժամանակը և պատասխանում են այս հարցերին. Մըր, որքան ժամանակ, որ ժամանակից մինչև Մըր:—Ճաշից յետոյ հիւր կրգնամ: Հինգ ժամ ճանապարհ զնացի: Առատից մինչև երեկոյ անձրև եկաւ:

դ.) Գործողութեան պատճառը և նպատակը և պատասխանում է այս հարցերին՝ ի՞նչ պատճառով, ի՞նչի՞ հետք, ի՞նչի՞ց, ի՞նչ նպատակով:—Չմբան երկիւղից զետը բար կտրեց: Քոյրս զնաց գիրը գնեցու:

Պարագայական բառերը միւս անգամներից ո՛չ մի կէտով չեն բաժանուում:

§ 7. Կոչական քառեր:

Կոչական քառերը ցոյց են տալիս, թէ խօսողը ում է դառնում իւր խօսքով:—Տէր, ներիք ինձ, մեղաւորիս: Մաննկ, մաննկ, ինձ չխարես:

Երբ կոչական բառը նախադասութեան սկիզբը կամ վերջն է զրուած, ստորակէտով է բաժանուում միւս անգամներից. իսկ եթէ նա ընկած է լինում նախադասութեան մէջ, երկու ստորակէտի մէջ է առնուում:—Տէր, քեզ յայտնի են մեր մտքերն ու խորհուրդները: Մեր մտքերն ու խորհուրդները յայտնի են քեզ, Տէր: Քեզ յայտնի են, Տէր, մեր մտքերն ու խորհուրդները:

§ 8. Համառօտ և ընդարձակ նախադասութիւններ:

Այն նախադասութիւնը՝ որի մէջ կան միմիայն գլխաւոր անդամներ, կոչուում է համառօտ. իսկ այն, որի մէջ բացի գլխաւոր անդամներից կան նաև երկրորդական անդամներ, կոչուում է ընդարձակ:—Աշակերտները կարգում են (համառ.): Մեր դասարանի ուշակերտները այգում կարգում են իրանց դասը (ընդարձ.):

§ 9. Դիմաւոր և անդէմ նախադասութիւններ:

Այն նախադասութիւնը, որի մէջ ենթական յիշուած է կամ մտքով հեշտութեամբ կարող է իմացուել, կոչուում է դիմաւոր:—Չկնորսնեն իրանց ուռկանն են քաշում: Մայրիկ, ինձ հաց տուր (դու) ուտելու:

Այն նախադասութիւնը, որի մէջ ենթական յայտնի չէ կամ բոլորովին անյայտ է, կոչուում է անդէմ:—Ասում են, երկրաշարժ կըլինի: Յրտեց: Անձրեաւմ է:

§ 10. Գլխաւոր և երկրորդական նախադասութիւններ:

Այն նախադասութիւնը, որ ուրիշ նախադասութիւնից կախում չունի, կոչուում է գլխաւոր. իսկ այն նախադասութիւնը, որը գլխաւորից կախում ունի և նրան պարզաբանելու համար է զրուած, կոչուում է երրորդական:—Երանի այն երկրին, որի ընակիչները հասկանում են իրանց շարն ու քարին: Այս օրինակի մէջ երանի այն երկրին գլխաւոր նախադասութիւն է, իսկ որի ընակիչները հասկանում են իրանց շարն ու քարին — երկրորդական:

Երկրորդական նախադասութիւնները լինում են՝ ա.) ենթակայ, — ով ահանջ ունի լսելու, թող լսէ: բ.) Յատկացուցիչ, — Չինաստանում մի օրէնք կայ, որի գօրութեամբ կտրում են խաբեքանների ձեռքերը: գ.) Լրացուցիչ, — գիտնականներն արդէն հաստատել են, թէ յուսինն էլ մի գնդաձև մարմին է: գ.) Պարագայական, — երբ զարունը քացում է, գիւղացիք սարն են տանում սոււարը:

Երկրորդական նախադասութիւնները գլխաւորից բաժանուում են ստորակէտով:

§ 11. Միջանկեալ նախադասութիւն:

Այն նախադասութիւնը, որ ընկած է մի ուրիշ նախադասութեան մէջ և նրա ոչ մի անդամից կախում չունի, կոչուում է միջանկեալ: Մի անգամ (յուրիս ամսին էր այդ) օրը սաստիկ տաք էր:

Միջանկեալ նախադասութիւնը գլխաւորից բաժանուում է երկու ստորակէտով կամ փակագծերով:

§ 12. Պարզ եւ քաղաղրեալ նախադասութիւններ:

Այն նախադասութիւնը, որի անդամներից ոչ մէկը կրկնուած չէ, այլ իւր մէջ մի պարզ միտք է պարունակում, կոչուում է պարզ:—Պարտիզպանն աշխատում է իւր պարտիզում—սա մի պարզ նախադասութիւն է:

Իսկ այն նախադասութիւնը, որ կազմուած է երկու կամ աւելի նախադասութիւններից, կոչուում է քաղաղրեալ:

Բազաղրեալ նախադասութիւնը կազմուում է մի գլխաւոր և մէկ կամ մի քանի երկրորդական նախադասութիւններից:—Ո՛ւմ ասես, որ չի գրաւում անտառի գեղեցկութիւնը—քաղաղրեալ նախադասութիւն է:

§ 13. Միաւորեալ նախադասութիւն:

Այն նախադասութիւնը, որը կազմուած է երկու կամ աւելի նախադասութիւնների միաւորութիւնից, կոչուում

է միաւորեալ:—Աշակերտները զպրոցում կարգում, գրում և նկարում են—միաւորեալ նախադասութիւն է:

Միաւորեալ նախադասութիւնների մէջ կարող են լինել միքանի ենթակայ, միքանի ստորոգեալ կամ մի քանի միատեսակ երկրորդական անդամ, որոնք, եթէ միմեանց հետ կապուած չեն եւ, ու շաղկապներով, իրարից ստորակէտներով են բաժանուում:

ՆԻԻԹԵՐ ՎԱՐԺՈՒԹԵԱՆ ՀՍՄԱՐ

Ա.) ՄՐՋԻՒՆԸ ԵՒ ԱՂԱԻՆԻՆ

Մի անգամ մրջինը գնաց առուակից ջուր խմելու: Յանկարծ ալիքը ներս քաշեց նրան: Այդ միջոցին մի աղանեակ թռչում էր առուակի վրայով՝ մի ճիւղ կոտցում բռնած: Երբ տեսաւ նա մրջինի դառն վիճակը, խղճաց նրա վրայ և խսկոյն իւր բերանի ճիւղը ձգեց նրան: Մրջինը նստեց ճիւղին և ազատուեց: Այդ առառուակից մի քիչ հեռու որսորդը ցանցով թռչուններ էր որսում: Խեղճ աղանին մտաւ ցանցի տակ, որ միքանի հատիկ էլ ինքը ժողովէ: Որսորդը պատրաստուում էր բռնել նրան ցանցով: Մրջինը՝ նկատելով այդ, լսկոյն մօտ սողաց որսորդին և այնպէս մաստիկ կծեց նրա ոտքը, որ նա հառաչեց և վայր ձգեց ձեռքից ցանցը: Այդպէս մեր աղանին թռաւ, ազատուեց:

Թարգ.

Բ.) ՊԱՊԸ ԵՒ ԹՈՌՆԻԿԸ

Սաստիկ ձերացել էր պապը: Վատ էր տեսնում նա և ծանր լսում: Ծերութիւնից արդէն նրա ձեռներն ու ոտները դողդողում էին: Գերակուր ուտելիս նա կաթկաթացնում էր սպասը զգալից: Այդ բանը զիւր չէր գալիս նրա որդուն ու հարսին. դրա համար էլ նրանք

չէին թողնում խեղճ ծերունուն իրանց հետ սեղան նստելու, այլ մի կաւէ ամանով առանձին էին կերակուր տալիս նրան: Մի օր էլ ծերունու ձեռները դողդողացին, ամանը վայր ընկաւ և փշուր-փշուր եղաւ: Այդ պատճառով էլ աւելի շարացան որդին ու հարսը և սկսեցին մի փայտէ ամանով կերակրել նրան: Ծերունին մի փոքրիկ թոռնիկ ունէր: Մի անգամ նրա հայրը տեսաւ, որ որդին, յատակի վրայ նստած, մի ինչ որ բան է շինում փայտից. «Այդ ինչ ես շինում, որդի,» — հարցրեց հայրը: «Գուշ, հայրիկ, — պատասխանեց մանուկը. — երբ դու և մայրիկս ծերանաք, ես ձեզ սրանով պէտք է կերակրեմ»: Լսելով այդ, հայրն ու մայրը իրար երես նայեցան և կարմրեցին: Նրանք այնուհետև դադարեցան ծերունուն առանձին նստացնել և սկսեցին պատուով պահել նրան: — «Ինչ որ ցանես, այն կը հնձես,» — ասում է առածը:

Թարգ.

Գ.) ԱՐԱՐԱՏԵԱՆ ԴԱՋՏԸ

Առաւօտ էր: Արարատեան դաշտը և Մասիս լեռան սպիտակափառ գագաթը փայլում էին վարդագոյն շողերով՝ արևի առաջին ճառագայթների ներքև: Արագածի պսակաձև գագաթը դեռ չէր երևում: Նա պատած էր դեռ ձիւնի պէս սպիտակ մշուշով: Կանաչադարձ դաշտավայրը վառուում էր ծիածանի ամենանուրբ գոյներով: Փշում էր մեղմ հովիկը: Ծաղիկները ժպտում էին: Դալար խոտաբոյսերը ծփում ու ծածանում էին և դաշտի խաղաղ տարածութիւնը օրօրում էր սքանչելի ալեկոծութեամբ:

Բաճի

Գ.) ԱՄԱՌ

Գալիս է ամառ, այրող եղանակ,
 Անխոնջ վաստակի պտղի ժամանակ.
 Իւր աստուածեղէն ջերմութեան հողին
 Կենսատու շնչով ծաւալէ արփին:
 Հասել է ծիրան, տանձը մեղրածոր,
 Գարմիր վարդի պէս փալլում է խնձոր.
 Սաթի պէս զեղին կախուած է ողկոյղ.
 Մանկտին գրաւում է շուր, նուռ ու թուղ:
 Սեխով, ձմերկով լիքն է բուրաստան.
 Ոսկեայ հոսանքով ծփի անդաստան.
 Եւ արտօրայքի ծանրացած հասկեր
 Խիստ հիանալի նկարեն պատկեր:


ՎԵՐՋ ԱՌԱՋԻՆ ՄԱՍԻՆ



Հայաստանի Ազգային գրադարան



NL0438466



5962

